

La carta del apóstol San Judas

Judas escribe a los que Dios ha llamado

¹ Asa Júdasat, ba Jesús chiwa acu ayin carit uch cuihsuro. Asan Jesucristo cacumró. Santiago tanaró. Sirat Tetát ba bar cájacro. Ba racar reht cájacro. Baat ima chihtá wácati acu Jesucristoat ba obir yajcaro. Etar aját ba acu ayin carit uch chihsuro.

² Aját ba cuitar Sir ojcor conro. Ba cuécuti acu, ba óhbacan cuít ítayta acu, ba sehnacan cuít rehcayta acu conro.

Los que enseñan mentiras (2 Pe 2.1-17)

³ Rábinu, aját ba sehnacro. Récaji echí aját Jesucristoat is síujac ojcor cuihsún séhŵajac. Etya cuihsún séhŵajac cuar aját ítitán, uch ojcor cuihwata binro. Cahujinat ba cayar yajti acu, baat Sir chihtá wácati acu cuihsún séhŵaro. Sir ima chihtá ey tehmoti acu récaji Sir ima uw quin caba wac bahjacro.

⁴ Aját ráhcuitan, cahujinat ba cayar yajquín acu ba tac icar baat istiti itay yinjacro. Uw éyinatan Sir tamo sîhŵatiro. Eynat Sir chihtá tehmón acu wacaro: “Sirat is sehnác etar isan wiw istiy jor, wiw istiy jor ohbac camátaró,” wacaro. Jesucristo ojcor cat wacaro: “Eyan Siri batro,” wacaro. Eynat eyta waquíc cuar, Jesucristoan is acu Sitro. Is acu Cáraro. Uw eyta bin ojcor récajian bar cuihsú

bahjáquinro. Sirat uw éyinat tayar yajquíc ques icar tíwata cuihsú bahjáquinro.

5 Aját ba quin uch wacaro. Baat sínjaquey tan chinti ac wacaro. Uchicrian Sirat ima uwa Egipto cajc cut bin síujacro. Siwi yahncutan ima tamo síh̄wati éyinra Sirat tíwjacro.

6 Etya cat cuacúr Sir cacmín cahujinat cat Sir tayar yajacro. Eynan Sir ima jor itquin acsar Sir jor ítiti wácajacro. Etya wacar cuacúr abá guitar bin waa béjecro. Etya waacayat ques cacmín eyin Sirat questajacro. Chistár cuácajar bi guitar questár checúm baquí chira guitar téjecro. Cabar tinic ocso tas erar questár téjecro. Uwat Sir tayar yajác ques tiwic cab cuc ocso tas questajacro.

7 Sodóminat Gomórrinat tayar yajác tamo cat síh̄wawi. Serin eyin imár serin owár isár yajquíc sínjacro. Wiwínat cat isár yajquíc sínjacro. Isár eyta yajcayat ques Sirat Sodomin Gomorrin oca guitar wahnjacro. Etya wahnyat bahnáquinat ítitán, éyinat ur ay bár tayar yajác ques Sirat oca cut wahnjacro. Sirat Sodomin Gomorrin wahnár eyta ima tayar yájqueyin cat cab oc icar eyta wahnátaró. Oca tínajar bin icar wahnátaró.

8 Etya cuácyat yají jawí. Ah ricar serin eyin cam ajquitro. Eynat ay síh̄wata eyra síh̄watiro. Eta jaŵ imár ojc ruhwuro. Imár sibár ruhwuro. Síh̄wati cuat bitara ay bár yajcaro. Sir ima ajcá bár chácaro. Sir ima cacmín ojcor cat ahsín teŵro.

9 Eynat úchtaan wan yajcata bin yájtiro. Sir cacúm cara Miguelat yajquír eyta yájtiro. Miguelat Sisrám owár Moisés chein sara técuajacro. Etya técuajac cuar Sisrám quin ajc ahsinra téwtiro.

Miguel caran cuít cuar ahsinra té̄tiro. Cuatán Sisrám quin wajacro: “Síratra bah técuawi,” wajacro.

¹⁰ Serin éyinat imáрати istiti bi ojcor ahsín tētro. Cuatán bítara útara ur ay bár yajca racar eyra bachuti yajcaro. Etya yajquír ur ay bár icar ayro.

¹¹ Eyin Sirat ruhwáyqueyra. Uchicri sera Cainat yajác eyta, éyinat cat eyta yajcái yinjacro. Ser ajca Balaamat Sir tayar yajác eyta, éyinat cat im eyta yajcái yinjacro. Ray racar rehquít eyta yajcái yinjacro. Sera Coreat Moisés chihtá cati ruhwuyat ques tiwir eyta, eyin cat im eyta tíwayqueyra.

¹² Ba rahra rahra sehnác rehquít owár yayín sécuayat, eyin cat ba owár yayín sécuaro. Eyin ba owár secuar cahujín tamо sihwati cuar cuít yácaro. Obas cayibat ima obas obir yajti rehcayat icúr acui batro. Eynan obas cayib ay bár binan wanro. Bowarám riwa ayti binan wanro. Caruc ub chati binan wanro. Bowarám séroat cacac becayat riwa ayti rehcayat icúr acui batro. Caruc ub chati rehcayat icúr acui batro. Caruc ey injác etar ub cat, sihyá cat batro. Etya cat uw eyin icúr acui batro. Eynat “Sir chihtá siwic,” waquíc cuar Sir chihtá cat síwtiro.

¹³ Eynan yacúr sobasob soboc binan wanro. Yacúr sobasob soboc eyat umítuitar orjir cat, rurúm cat chac bahcaro. Yacúr sobasob sobocat orjir cat, rurúm cat chac bahr eyta uw éyinat cat Sir tayar yajc bahcaro. Eynan cuacúr abáuitar sásorinat ibit iwir éytaro. Eynan Sirat baquí tinjacuitar téyqueyra. Etya técayat erar bin uwán cuánaan waa báreyra.

¹⁴ Is cohtín Enocat ah rícaro uw eyin ojcor wac

bahjáquinro. Uchicri jaquit wac bahjáquinro. Enoc ey Adanat útarin báctarin acsar acsar icar cucwoy cohná bícajareht, Enoc yehnjáquinro. Enoc eyat wajacro: “Aját wacaro. Siran ima cacmín ay bin owár racáyqueyra. Ricán síhwanar bin owár racáyqueyra.

¹⁵ Uw bahnaquin urá wahitín ac wicáyqueyra. Etya wahitír Sir tamo síhwati bin cuécwayqueyra. Sir tayar yajác ques icar cuécwayqueyra. Sir ojcor ahsín tewjác ques icar cuécwayqueyra,” wajacro. Enocat eyta wac bahjacro, Sir ojcor ahsín tewjquin ójcoran.

¹⁶ Serin eyin ríoquib binro. Eycin ácaman bitara útara ay bár rehcayat, éyinat waquít: “cahujín ajc tayar rehquíc,” wacaro. Cuatán éyinat bítara útara yajc cíntara, eyta bachuti yajcaro. Etya yajca rabar imár ojcor ay teþro. Eycinat cahujín ojcor ay teþyat, tan chiwín acu teþro. Imár guitar yajcayta acu eyta teþro.

Amonestaciones a los creyentes

¹⁷ Etya cuácat, Cara Jesucristo chihtá ehcúquinat ba quin wac bahjakan tan chinti jawí.

¹⁸ Jesucristo chihtá ehcúquinat uchta wac bahjacro: “Cabar tinic guitar cabcuc racayat, uwat ba buror sisáyqueyra. Uw éyinat Sir tamo síhwati cuar ima chihtá guitar yajcayqueyra,” wajacro. Jesús chihtá ehcúquinat uw eyin ojcor eyta wajacro.

¹⁹ Uwa éyinat ba rahra rahra técuayta acu cayar yajquín yajcaro. Imár urá guitar icúr yajc cíntara eyta bachuti yajcaro. Eycin ur ícara Sir ima Ajcan Cámaran Eya witi binro.

20 Cuatán bara ur eyta rehti jawí. Bara Sir tamo sihwán acu rahra rahra cuitar yajwí. Sir Ajcan Cámurán Eya chihtá cuitar Sir ojcor conwi.

21 Sirat ba sehnác chihtá acsar etiti síhwawi. Eyat ba sehnác rehquít ima jor cuacúr itay beyáyqueyra. Ba yehw̄ bec acor ita rabar, beyata chihtá acsar etiti síhwawi.

22 Chiwa cahujinat Sir chihtá rahcuíc cuar áhajira ayra ráhctiro. Eyinat Sir chihtá wácati acu técuati siwí.

23 Uwat ima oya oca sara tijcajaquin oc cut wahnti ac, oca sar bin yehwír eyta, baat cat uw cahujín quin Sir chihtá waca ayti jawí. Cab oc icar wahnti acu eyta waca ayti jawí. Cuatán urá tehmó cun bár eyin racar cue rehwi. Cue rehca rabar yají jawí. ¿Ba urá cat eyta rúhwajaqui? ¿Baat cat éyinat yajquír eyta yájcajaqui?

Alabanza final

24-25 Uw bahnáquinu, “Siran ayan tahnacro,” wawí. Sir im istir binat ba bucoy ima tayar yajc ayti síwataro. Baan ima ubot tayar bár chácataro. Baan ohbac ahní chácataro. Jesucristo is cáraro. Jesucristoat isat tayar yajác túnjacro. Etya etar Sirat is síwataro. Etar Siran caran cuitro. Ajcan urán cuitro. Bowán tahnacro. Récaram cat eyta chájacro. Ah cat éytaro. Yahncút cat acsar acsar bur cut suw cut im eyta rehcáyqueyra. Amén

Sir chihtá New Testament in Tunebo, Central

copyright © 2011 Wycliffe Bible Translators, Inc.

Language: Central Tunebo (Tunebo, Central)

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tunebo, Central

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022
c38c95ce-e7e4-500c-97a7-8e3bd711c176